

曝書亭集

六

928

ハ

6



Vertical text on the left edge of the page, likely a page number or title fragment, including characters like '卷' and '第'.

曝書亭集卷第十八

秀水 朱彝尊 錫鬯

古今詩 十七

著雍攝提格

偕查孝廉入閩初發江干

清江自西來海水逆流合我帆挂東風遙指富春塔

自漁浦挂席至富陽二首

編郎唱櫓雨初消查慎行突起東風送客船百里晴山低似屋

鼻尊一江新水健於潮舟人謂江暴漲時海潮不得上得攜老伴無拘束慎行縱

是貧游未寂寥況有月波春壘在鼻尊隔船不乏酒人招慎

行

江山小船急浪衝鼻尊疾若鷲鳥凌霜冬慎行灣環忽轉赤

亭岸羸尊俄頃不見南高峰
慎行鱗魚出網白尾尾羸尊烏
柏夾路青茸首慎行井西道人畫
不得羸尊暖翠浮嵐如此
濃慎行

桐廬雨泊

桐江生薄寒急雨晚淋瀝炊煙起
山家化作雲覆屋居人寂
無喧一氣沉嶺腹白鷺忽飛翻讓
我沙際宿

七里瀨

七里瀨急鳴哀湍嚴陵於此留釣
壇兩崖怪石青攢攢雨來
欲上不得上竹篙撐過鷓鴣灘

瀧中吟

瀧中行不知遠雨初消雲乍卷藥
苗長蒲葉短一夫牽船九
折坂纜逾急舟逾緩前峰合後峰
開一曲轉一曲迴密樹重

重暗飛泉處處來人家三五居瀧
裏半是樵夫半漁子又白
魚捕烏鬼釣車釣輪滿沙背黃白
花開照瀧水未必他鄉能
有此瀧中吟子歌不足我嗣音

晚次汝步乘月抵蘭溪城下

松科萬樹落花天擘岸江風晚
颯然直到蘭溪看明月浮橋
不鎖待吟船

雨發東峰亭和查孝廉

巖巖東峰亭其下百尺潭我來凡
五泊未果游精藍茲晨復
前路解纜亭西南溪雲散成雨水
水紛參覃平生嬾馳騫進
拙退所甘惟有利涉心翻較估客
貪一帆飽風力並坐蓬底
譚夫君有高唱令我歎息三

水碓四十韻

百灘趨漸江昏旦鳴不息彝尊大波恣奔放小波回汨御查慎行
居人擅水利審曲引使直彝尊其長走蛟蛇其廣納溝減慎行
遏防激之怒徑隘流轉急彝尊夫豈水性然適來遭勢逼慎行
于焉扼其吭壘石添楸杙彝尊椽茅架小屋度地隨偃仄慎行
斲木爲巨輪當衝立樞極彝尊旁安三十幅輻輳運就園則慎行
龜文交兩兆鼈甲支九肋彝尊括張等虞機璇運就園則慎行
江心鏡欲躍海底月半蝕彝尊滅頂泗人騰升阨壯士踣慎行
尻高首或下後湧前乃匿彝尊團團牛旋磨匝匝鴉翻翼慎行
棗軸貫中央有如著在劫彝尊循環觸牙動揚者必先抑慎行
石臼質本頑甘爲杵所賊彝尊昂然馬騰槽俛若鶴啄食慎行
砮碎應關族次第符漏刻彝尊擣紙十萬箋取禾三百億慎行
糠秕除未盡藤竹需孔急彝尊一爲機事牽焉得休汝力慎行

先王昔制器取象配卦德彝尊舟楫涉大川耒耜徂畛域慎行
養生務佃漁分壤別動植彝尊鄰歌荅春相作苦爰稼穡慎行
俾習四體勤羣黎無懈忒彝尊後世技巧繁淫奇難忖測慎行
桔槔輓轆作便利成典式彝尊紛紛鑿渾沌一一逞胸臆慎行
能令蠢者靈通者忽以塞彝尊即此水碓論用意略可識慎行
居然役造化安坐無怍色彝尊乃知天生民若苗之有騰慎行
夜來山雨驟趨漲湯澤國彝尊沙崩岸漂沉有械施不得慎行
物成久則毀茲理復何惑彝尊逸豫安可貪民勞宜率職慎行

篁步

去衢州二十里地產柑橘

江臯有篁步地似果園坊漸遠魚鰕市真成橘柚鄉株株當
暑綠顆顆入秋黃輸與村夫子經冬自在嘗

常山山行

常山玉山相去百里許山行十人九商賈肩輿步擔走不休
四月溫風汗如雨勸客何不安坐湖口船船容萬斛穩晝眠
荅云此間苦亦樂且免關吏橫索錢

入舟

水窮甫登山山盡復入舟漸老惜筋力得安且同偷查慎行舸
子名船五尺狹三槳劃兩頭來朝放溜去勝坐青竹兜彝尊

沙谿舖紀所見

十丈梭繩夜截流朝來漁子掌中收不知方法何從得三寸

白魚齊上釣

玉山村人施數十釣於梭繩之上曉起收之釣必有魚

自焦石塘抵鉛山河口兩岸石山獐劣上無寸土尺

木杏孝廉作詩嘲之賦以解嘲

鉛山山肩掛一一起湖口鵝圖象覆釜巨石堅不剖躋攀斷

僧蹊左右絕林藪豈惟質鈍悶兼亦狀鹿醜畫師皴法窮相
對俱束手道書紀名山藏之大小酉每因洞壑深必使列仙
守茲為百靈棄動植無一有乃知造化心下視等芻狗宜取
見者憎獻嘲自我友吾試為解嘲賦形良亦偶美石多自殘
斧斤或先受高者礮作碑下者窪作臼汝以頑得全庸庸福
反厚喻物材不材此理本莊叟

鉛山城中有古樟三每歲四月白鷺來巢其間伏雛
乃去亦一異也

縣樓高樹半空腔宿鷺飛來什佰雙說與画師翻舊譜不須
橫幅寫秋江

發鉛山

昨憎山石鈍今愛山石靈譬若漢宮女去尹來者邢譬若秦

地水汲涓汰者涇何期百里內巒壑殊姿形古樟百圍綠幽
桂十丈青東西喚野渡長短羅溪亭云云鳥下水浴烏梳其
翎人語山響蒼忽焉頰清冷巖花名莫辨一一抽釵葍我欲
躡飛梁深入紫翠屏僕夫不解事舍車邑外坳前途定勝
絕明發宜侵星

紫溪道中二首

筍皮蓋屋類團焦留客依然酒旆招只恐夜來風雨至杖藜
扶過紫溪橋

新添十畝種荷田也向山根吐細泉料得村娃無懼曲秋來
不用采香船

度紫溪嶺

征夫就炊煙我亦治草具一飯免飢飭亭午復前路隔溪辨

微徑千年樹根渡不知身漸高下視千年樹我行方審心我
僕已窘步登頓力苦疲巖椒且小駐開襟納涼風植杖一反
顧却指來處村茫茫墮雲霧

車盤驛題逆旅主人壁

曲澗層層響叢篁个个齊前山行更好不信鷓鴣啼

觀造竹紙五十韻

信州入建州篁竹冗於篠尋尊居人取作紙用穉不用老查慎行
遑惜簫笛材綠坡一例倒尋尊束縛沉清淵殺青特存縞慎行
五行遞相賊伐性力揉矯尋尊出諸鼎鑊中復受杵臼擣慎行
不辭身糜爛素質終自保尋尊汲井加汰淘盈箱費旋攪慎行
層層細簾揭燄燄活火熗尋尊舍鹿乃得精去濕忽就燥慎行
擘來風舒舒暴之日杲杲尋尊箬籠走南北適用各言好慎行

緬維邃古初書契始蒼皞舜尊自從史記煩方策布豐鎬慎行
中經祖龍燔孰敢撲原燎舜尊漆簡及韋編殘灰跡同埽慎行
當時禍得脫賴爾生不早舜尊漢代崇師儒家各一經抱慎行
截緝蒲柳姿刀削詎云巧舜尊如何剞物智乃出寺人造慎行
麻頭魚網布棄物收豈少舜尊後來逾爭奇新製越意表慎行
山苗割藤芟水滙采苔藻舜尊桑根斧以斯蠶繭機不絞慎行
澄心光緻緻鏡面波晶晶舜尊研宜金粉膏繪作龍鸞爪慎行
桃花注輕紅松花染深縹舜尊鴉青密香色一隨沅淥慎行
十樣益部箋萬番傳癖舜尊紛然輸館閣逃矣來海島慎行
要為日用需若黍稷梁稻舜尊惜哉俗暴殄塗抹太草草慎行
俗詩蠹蝸鳴俗書蛇蚓繞舜尊俗學調必俳俗文說多勦慎行
流傳人有集刷印方未了舜尊積穢堆土苴餘殃毒黎棗慎行

或汙瓜牛涎或供蠹魚飽舜尊或為肉馬踏或被飢鼠齧慎行
黏牕信兒童覆翫付翁媪舜尊遭逢幸不幸所繫豈纖杪慎行
平生嗜奇古卷帙事研討舜尊祕笈精爾鈔篋金匪我寶慎行
響榻潮籀斯斷碑拓洪趙舜尊提攜白刺史著錄庶可考慎行
由拳法失傳將樂槽苦小舜尊楚產肌理疎晉產膚澤槁慎行
物情相倍蓰美惡心洞曉舜尊非無雲霞膩愛此霜雪皎慎行
小疊熨帖平捆載赴達道舜尊預恐壓歸裝又滋征榷擾慎行

烏石村

烏石村深一水灣家家吠蛤閉柴關此時惜少洋州筆次寫
風篁十里山

分水關

關門一道石參差三戶人家兩戍旗此去都籃休便棄頭網

正及貢茶時

崇安孔明府招飲縣齋池上賦贈二首

宛轉橋當戶玲瓏竹引泉官齋如此少地主況能賢白鳥巢
琴閣紅鱗動酒船盡驅胥史往清話得纏絲

一縣皆山水尤奇是幔亭從君乞小艇導我入迴汀羽蛻黃
心木苔皴白石銘遺文當不少歸日補圖經

武夷沖祐宮

武夷君異哉世所傳或云錢籛之二子或云是魏王子騫當
時結侶高宴幔亭前此挹衣袖彼拍肩坎鈴鼓急管絃賓雲
妙曲左右仙一從彩雲散虹橋斷絕上無綠琳宮建何時傳
是天寶年後王因之禱水旱金龍玉簡投深淵我來謁祠下
取徑芝朮田入門高樹雄且妍藤蔓曲似蛟龍纏殿古石罅

仙鼠穿陳丹暗粉蠅吐涎十二粟主配若像中間名字或已
湮乾魚祭後祀典歇但有村翁臘臘率社錢縛草為輪翦紙
為船不知仙人倏而來予忽而逝雲車風馬電作鞭胡用是
物東西懸長廊曲曲通迴旋旁有道士館房房戶戶相錯連
甘蕉綠搖漾修竹青便娟竹雞聲中摘茶葉石榴樹底交茶
煙吾思此地洵勝絕道書名之曰洞天阿誰屈置一十六何
山可以居其先昔年禹平水土名山川至今岳瀆垂虞編不
聞議者糾其偏若茲次第逞胸臆毋乃僞託非真詮試質武
夷君吾言然不然

宿虞道士山房

老樹藏雲壑閒房割洞天茶烘丹竈火鹿飲鑑池泉藥酒供
人醉繩牀借客眠山深風候早四月已聞蟬

幔亭

白石留遺板紅雲失舊祠要知幔亭會亦是避秦人

坐竹簞入九曲

連峰六六收蒼霾查慎行雨餘滑達碎石街尋尊挈我栗杖
梭毛鞵慎行蘭湯渡口上竹簞尋尊篙工指點一曲涯慎行題
名幾處爭磨崖尋尊娉婷玉女峰最佳慎行野花簇髻松
搖釵尋尊當年武夷集神媧慎行歌絃鼓板金管齧尋尊高
張雅奏無淫哇慎行子禽小娥定爾儕尋尊羣仙一散後會乖
慎行黃心老木委蛻羶尋尊爾獨對鏡留形骸慎行千尋鐵障
鎔頑錯尋尊大藏小藏肩背挨慎行山魃一脚帝所差尋尊洞
門石扇呀然闕慎行壑舟力負何勅勅尋尊其中瑰木如積
楷慎行又類羽鏃抽鞞鞞尋尊水光泱泱聲潛潛慎行冥冥微

徑不可階尋尊欲住金井迷鬼艾慎行深潭龍臥波滾滾尋尊
誰歟釣者貪鮪鮭慎行茶園新牙茁舊萼尋尊僧籃道笈采
摘皆慎行可惜不逢紅粉娃尋尊題詩古巖平不款尋尊精廬
小於負殼蝸尋尊豈若大隱屏之厓慎行祠宇百世人模楷
尋尊大書照耀銀泥牌慎行學達性天 聖德諧尋尊屹然
天柱高歲褭慎行勢如拱揖趨庭堦尋尊須吏路迴仙掌排
慎行神臯下上車輶輶尋尊竹窠桃澗雜樹槐慎行龜浮瀨
控形膠催尋尊白雲莽前雙眼揩慎行俯視九曲滌青縞尋尊
星村村落尤可懷慎行新苗活水通荆柴尋尊穀犬跳聒雞
膠啣慎行況無蛇虎援猱豺尋尊何時買地營茅齋慎行耕
稜漁弋與子偕尋尊

虹橋板歌

板爲崇安潘秀才在東所贈

虹橋板可望不可即絕壁深藏太古色日炙不黃雨淋不黑
洪流不漂土不蝕百蟲將軍焚不得吾欲梯長林梢恐墮鸛
鶴巢吾欲駕澄潭坳恐拔千歲蛟鼉鼉倒懸蝙蝠墜惟有怪
鳥獨立時爬抓潘郎嗜奇每置青玉案鋸贈一條長尺半爲
言曩者避兵接筍峰一夕急雨飛寒空兩狂更起擲鷄風虹
橋板自天半落斜拖下壓黃冠宮爾時青童白叟悚息不出
戶亟持此板歸山中吾聞茲言吁可怪石泐金銷此不壞既
非桐與檀又非楸楠杞梓楓豫章穀紋水波蹙中央沈思是
物豈無用何況獲自仙居洵堪重當時宣和好古祕殿無爾
曹吾今藏弄足以豪試令刻作黃神越章印山行蛇虎應潛
逃

仙蛻巖

魚家姊妹趙家兒雜坐歌師間
奴師莫唱人間可哀曲山阿
遺蛻也堪悲

御茶園歌

御茶園在武夷第四曲元於此
規焙局安茶槽五亭參差一
井冽中央臺殿結構牢每當啓
蟄百夫山下喊事見武夷志樅金
伐鼓聲喧嘈歲簽二百五十戶
須知一路皆驛騷山靈丁此
亦太苦又豈有意貪牲醪封題
貢入紫檀殿角盤癭枕怯薛
操小團硬餅擣爲雪牛潼馬乳
傾成膏君臣第取一時快詎
知山農摘此田不毛先春一聞
省帖下樵丁蕘豎紛逋逃入
明官場始盡革厚利特許民搜
掏殘碑斷白滿林麓西臯茅
屋連東臯自來物性各有殊
佳者必先占地高雲富竹窠
擅絕品其居大抵皆巖壑茲園
卑下乃在隰安得奇茗生周遭

但令廢置無足惜留待過客閒游遨古人試茶味方法椎鈴
羅磨何其勞設疑爽味碾乃出真氣已耗若醴餽其糟沙溪
松黃建蠟面楚蜀投以薑鹽熬雜之沉腦尤可憾陸羽見此
笑且咷前丁後蔡雖著錄未免得失存譏褒我今攜鎗石上
坐箬籠一一解繩緇冰芽雨甲忞品第務與粟粒分錙毫

仙掌峰瀑布

仰瞻兮山陘懸瀑布兮翠屏忽循兮山後泉涓涓子鳴石竇
石竇兮中開激衝風子轟豗一丘兮一憩忘吾道子遭迴菖
蒲植兮烏麻飯青松陰兮白日緩思移家子駐顏年七十兮
未晚

天游觀萬峰亭

大山相排連小山補其闕羣峰罕異向危亭乃孤揭適當地

敞間不在勢突兀虛明徹戶端豁達埽煙烽空激颺輪照
夜湧日軌有時霧著巾忽焉雲觸轍憑欄恣眺聽靈境信超
越儼同喬嶽尊遠邇盡朝謁紛紛揚旌旛穆穆秉圭笏又疑
三海圖神物互出沒足或蹶夔魑背或負蛭蟹前平訝象耕
後陷類狐搢隱屏翳而張接筍斷不蹶長松偃薺菜細竹披
苗髮溪流乍隱見祠屋半彫歇歸然此獨存坐久興逾發雖
云冠山椒何異在巖窟石房一道士清癯老鶴骨延我崎嶇
丘靜埽苔徑滑苦無青精飯力爲煮葵蕨高田歲未荒四月
草先墜分種及胡麻安碓響深樾相對生隱心欲歸恨倉卒
何當裹餼糧留住一百月

樟灘

建溪饒驚深樟灘最巉險顛波勢欲下亂石故磨颺窪坳碾

作過刻露圭就琰我衰憂患多過此容色斂篙師凝睛立尺
水巧迴閃鏗然矢投壺狎恰不誤點輕舟恣一擲縱若鳥脫
罨以茲推物理遇境適夷險人或發禍機忌者思盡掩揚瀾
沸平地鑿空架崖仄由來人背噂未必鬼神貶濟盈軌易濡
忠信幸無忝習坎入坎凶既出夫何玷浮海桴可乘舟楫况
剡剡

建陽

徽公舊是建陽居竹樹清疎畫不如講席至今留未改人情
大抵好相於得觀雲谷山頭水恣讀麻沙里下書此意殘年
仍莫遂扁舟欲去轉躊躇

延平晚宿

兩兩浮橋趁浦斜居人分占白鷗沙瓜瓢豆莢迎船賣只欠

南鄉澤瀉花

建寧澤瀉花可藥昨
過未及買南鄉橋名

雨中過黯淡灘

灘光黯淡雨連坑一笑船師勸客行三疊跳波兩搖手櫂歌
十里下延平

水口

岸闊灘平漾白沙船人出險鼓停撾爲貪放溜風頭坐不覺
蜻蜓上槳牙

竹崎關

溪漁樹底輸稅關吏津頭算緡縱有僧樓藥院日長吟眺何
人

食荔支寄查上舍弟嗣璫時在秦中

荔子漿酸價未高風前試解絳羅袍當筵忽憶西征客馬乳

涼州也自豪

敢福州荔

噉荔如噉蔗佳境須漸入必待藍紅江綠熟始嘗何異渴人禁之飲米汁粵洲火山四月丹也勝盧橘楊梅酸我來福州日北至投我只合齊堆盤端明譜中三十有二品大槩綃衣雪作衽粵人誇粵閩誇閩次第胸中我能審

林叟傳攜二子載酒過

釀比官醪釀肴看水族分老年思舊雨深話到斜曛契獨存
僑札交須合紀羣不妨留秉燭作賦共誅民

甘泉漢瓦歌爲候官林侗賦

西京無書家但有急就凡將篇其後闕里闕乃得五鳳二年
甄滕公石室閉已久文體倜詭乖自然芝英鶴頭書歲遠俱

沉堽孰能挾淵奧冥宗崔張先候官林侗煢蒼雅袖中忽出
甘泉瓦長生未央字當中逸態橫生恣塗寫定州漢廟不足
珍銅雀香姜盡流亞吾聞甘泉本是祖龍之所遺武帝因而
恢拓之非無益壽延壽字今已蕩盡錮錙釐金銅仙人去渭
水椽桷自毀化作龍鱗而當知是瓦定有鬼神護不然安得
團圓如鏡勿使纖毫虧伊誰擅此隸法古毋乃史邈丞相斯
下至元封人物能爾爲侗也耽奇莫與並手搨硬黃墨一挺
裝池作冊索客題重之不異焦山鼎吾生亦好金石文南踰
五嶺西三雲手披叢篁斬榛棘殘碑斷碣搜秋墳攜歸蓬屋
少香芸壁魚散走飢鼠嚙蟲涎粉蛙徒紛紛侗子侗子真好
事殿闕遺墟靡不至短衣匹馬尋昭陵陪葬諸臣表銜位旁
及降王一十四右先咄咄左什忒殿以那順范頭利舊史缺

漏新史刪伺也為之考其次試入儲藏蘭話堂長物何論僉
一筭君家嚴君政不苛至今秦地猶謳歌年過八十尚健飯
丹砂不餌朱顏酡兼珍之養樂事多長生瓦兆本為此請君
一日二摩挲

長慶寺噉荔支二首

長慶古僧寺獨公新道場重來疑夢寐六月轉清涼老喻苦

瓜苦

曩客廣州訪獨禪師於海幢寺餽進苦瓜于不食師言居士少年不耐苦也

渴思香荔香七星空

有井不用汲寒漿

魚網船船漉

土人伐荔子木浸水以漉魚網

樵柯歲歲殘連根移上苑重馬走

麤官再至雙林少

寺中荔子舊有五

他時一飽難山僧會客意

臨別更堆盤

又聯句

熱客辭三伏精廬訪一龕圍開小暑後徑盡側生南

臘嗟頻改禪房亦舊請茶瓜宜屏却梯閣緩登探

門外荔枝

劇喜青猿捷先除石貝貪

荔蟲也

層層堆玉案各各滿筠籃

慎行露比三霄冷漿同十酒甘倒囊元止渴勿藥定祛痰

譜就全勝畫評時恣倚擔瀘川知不敵珠海較無慚

思封蒂磨鉛欲代甌載歸鄉曲好終賽一筒柑慎行

汪學使薇餉楓亭荔

香荔誇奇絕楓亭古驛中色雖殊挂綠品已壓輕紅一種生

偏側千房味不同重煩故人意分減及衰翁

林封君招飲榕菴

細泉危石響崢嶸避暑筵開接款顏祖竹杖多供客借佛桑

花放許吾攀入門愛坐千年樹對酒平臨一朵山珍重主人

投轄意留看七塔夜燈還

龔運使招飲園亭

烏衣子弟列通官逸興東山老謝安六月開筵花事好百分
勸客酒杯寬閒輸沼上儵魚樂醉任堦前海鶴看已是晚涼
收羽扇更排高棟俯層欄

飲張舍人巖齋

門才風貌阮何間官簿重題右史班三伏尚能留客坐一瓶
相勸借書還濃陰古壁垂馱蔓驟雨新苔滑小山我醉已拚
逃席去更煩香甕出屏彎

江瑤柱

異味傳方域嘉名注食經連江誰布網獨漉忽登劍遞自三
山速風來五月腥羴羊羸見角蠟蠃斂同形銳比盆花錘圓

同鈿帶鞞粵呼為角帶子探腸先去甲刮膜止存丁淨洗膏猶沃新
烹火莫停冰檐初挂鐸雪茵乍抽釘白嚼河豚乳紅餐荔子
聽誰言分鼎足試倚竈飢聽

閩中海物雜詠七首

西施舌一名沙蛤俗呼西施舌

吳人輸一錢思覩西子頰何如得網中宵分齧其舌

香螺

鰻魚雖言美祇供漢賊餐莽操俱嗜此詎若香螺潔日上先生盤

蟬閩小記一名蟬蜂

綠蒲包海蟬味勝蟹膏滑一笑過江人嘔心為螟蚶

鱟魚腹下有十二足雌雄常相負取之輒作雙

尾插茨菇葉臍攢螳蟹鉗南庖驚束手非止北人嫌

花蛤

略識味似螯寧知化非雀誰加水族恩特與繡衣著

黃螺

肉縮等蝸角涎腥過蠟房憐渠一破殼也有九迴腸

珠蚶

海物多充庖珠蚶亦配酒取禍自有胎不在深閉口

題讓竹亭修禊圖卷

今年櫻飲負花時讓竹亭前到恨遲比似永和應更勝坐無

一客不成詩

飲陳孝廉學沐烏石山房

蕨鐘苦毒熱若鳥困樵大筭忽聆折簡招柅車道山阿此身離
溪焦冰雪投岷我主人頗善病質至移藥籬預儲楚筍鞮易

客深來歸嚴不在何位置因坡陀層欄萬井上三面雲流

羅俄看魚鱗收一峰青螺日永風舒舒卷暢吹漸多亭幽

倚翠壁曲磴交荆莎消消細泉流撫石注陽坡誰滋徑寸泥

乃吐雙菡荷木桃綴華實扶荔撈鮮波瀏覽隨所欣樂飲日

已趨既無形骸拘且免監史苛杯闌見題句小陸此寤歌髻

掃書策存陳子出雅坪之門豈易心輕聖磨吾鄙物外心從茲數娑拖

肯於三伏時禮法繩愆訛作詩繼小陸觀者任諧訶

題汪方伯小像三首

澎湖小別五年餘消息頻傳過嶺書一笑相逢還看畫故人

瀟灑只如初

薇堂綉子出花前野老來逢湯餅筵料得牽衣添阿囡肯容

郎罷賦林泉

乳毛五鬣拂龍鱗瘦石多成雨點皴此景并爲君占取更留
何地屬閒人

壽山石歌

無諸城北山青蘄近郊一舍無楓杉中間韞石美如玉南渡
以後長封緘方輿勝覽於福州土產首載壽山石是誰巧搢蛙蚓窟中田忽發蛟
龍函剖之斑璘具五色他山之石皆卑凡我昔南游翫塘市
對此不覺潛矜歔是時楊老善雕琢楊字玉璿紐壓羊馬磨麕麕
兼金易置白藤笈不使花乳求休攬今來賈索尚三倍未免
瑕漬同梅賦其初產自稷下里後乃深入芙蓉巖菁華已竭
采未歇惜也大洞成空嵌非無桃紅艾葉綠安得好手來鐫
劖桂孫見之不忍釋裹以黃葛白蕉衫伏波車中載蕙苾徒
令昧者生譏讒況今關吏猛于虎江漲橋近須抽帆已忍輸

錢爲頑石慎勿輕露條冰銜

近凡朝士過關者苛索必數倍

高斯億

爲余畫竹以三絕句報之

故人有才子

斯億爲老友雲客之子

爲我埽叢筠長帽眉山老看來足

亂真

細似楊无咎疎於顧定之清風愛相對赤日最高時
舊種南垞竹園中勝百分歸裝無長物得此即封君

以蜜漬生荔支戲成一律

省得紅塵一騎忙輕郵試驗指迷方亟教爐火煎鉛液更犯
巢蜂割蜜房沃水預愁擔僕困開筵試共酒人嘗到家翻惹
兒童笑那不圓籠寄海航

曝書亭集卷第十八

曝書亭集卷第十九

秀水 朱彝尊 錫鬯

古今詩

十八

屠維單閼

羅浮蝴蝶歌

爾雅釋蟲名蝴蝶置不錄之蟲豈無知小大各有族小者槿
末產江東大者乃在朱明曜真之天巖洞中當其物化初天
與形不同蠻雲華首紫海日搏桑紅游禽五色詎敢啄滿身
香霧花濛濛仙之人兮拍手笑愛爾翩翩特娟妙或云葛翁
衣或云麻姑裙二者傳說徒紛紛入秋倦飛絲乍罨葉底風
搖滿山繭垂虹亭長手拄即栗條去年踰嶺尋鐵橋歸來雪
灘纜卸馱分我蝶繭剛一箇留之十旬鳳子生曲腰短足相

塘撐豎雙眉張兩翅輕於吳綃薄於紙對神光之陸離駭賦
質之侷詭我思此蝶放之四百三十二峰前餐英嚼蕊恣歡
妍何難大似車輪然我今縱之出簾柙可惜不諳飼花法雲
母扇丹霞衣嗟爾萬里安得歸文章枉使負奇色不及灰黃
粉墨野蛾高下東西飛

又近體四首

攜來柏葉綴莎蟲蝶繭多懸烏柏葉底物候初溫五月風蝶以五月朝破繭出么鳳

忽然看倒挂仙蠶深恨不同功粉香弄玉勻塗後裙色麻姑

想像中離合神光終莫定畫圖誰信小滕工蛟蝶圖滕王元嬰子湛然所画

藤笈初開且試飛槩牙牆角見應稀輕狂忍把霜紈撲愛惜

須加繡幕圍萬里風花香入夢六朝金粉畫成衣吳娘正要

湘裙樣分付流黃第一機宋樂府有九張機自一至九

籬邊野外舞春駒認得羅浮種獨殊衆裏自應呼鳳子生來

只解抱花鬢鉛華水淨分初日金縷衣輕颺五銖比似吳人

看西子未貪市上一錢輸孟子疏西施至吳市觀者各輸錢一文

猶記歸裝嶺外齋炎天二月展金泥衰年再見真難得異物

初生也不齊偶落人間休悵望但留花底莫東西寄聲爲報

垂虹長好配新蛾與並栖虹亭筍中尚存三齋

題瞻園舊雨圖二首

壯年蹤跡任西東老去諸餘念漸空醉地至今猶戀惜大功

坊底小園中

花南孔雀翠屏張共倚新聲八寶裝誰向井邊歌舊曲淳熙

半隸幾斜陽園有井闌刻淳熙年字

長水曉行

月暗千重樹風微一葉舟殘星高太白重露滴牽牛菽乳新
漿熟魚標小市收不知葭莢岸吠蛤爾何求

荷花

梁間巢燕幾曾來竈下狸奴去不回猶有荷花憐舊雨年年
一為主人開

七月八日張孝廉大受招高上舍不騫載酒過百花

洲索予父子吟藁率賦

七夕已過猶蘊蒸厨船遠發太湖棧攜來瓜果嚼復嚼盡此
壺餐能不能舊日詩篇忘甲子老年書法誤丁朋煩君并向
狂兒索病劇知渠起未曾

李高士延昱墓下作

慷慨松江別淒涼桂水還擔花嘗郭外賣藥遍人間野史何

由續遺書尚未刪空餘懷舊淚一灑柘湖灣

十月二十一日喪子老友梅君文鼎歸自閩中扁舟

過慰攜別後所著書見示部帙甚富余亦以經義考
相質并出亡兒撫韻遺藁觀之成詩百韻次日送之

還宣城兼寄孝廉庚

老夫初失子痛若遭鞭刑騷騷理喪具裂布帷兩楹本為共
命鳥卒然翦其翎天乎獨何罪此禍丁我躬姑弘切有叟裼裘
來扶杖叩我肩袖中出誅辭書之鵠紋綾既以悼逝者且用
慰頽齡申言賢聖厄難免造化憎西河授詩義不聞子在鬢
尼父成春秋不聞鯉趨庭遺恨古則爾所以尚達生叟言我
瞿然旋收淚一升延之西牕坐試話睽離情與叟別八霜蹤
跡如蓬萍或淹津門居或栖皖口城北書鴈翻蒼南書魚尾

賴茲從閩江至始獲遂合并青援長五尺一袂書手矜持籌
計長歷制器窺圓靈削木驗日晷繪圖準方程我思古帝治
七政齊璣衡下及周女士咸知列宿名束楚抱衾稠觀象乃
宵征畢雨箕風揚武人解辨形後世祕其術張眼同晦盲瑣
瑣靈臺郎曷能測穹冥下學理帖括怠棄夏小正百翻兔園
冊足致公孤卿昏昏軫蓋中莫辨一點星居然燮陰陽上應
中台明三才昧其一庶績何由凝叟書析微茫該洽純粹精
惜乎時不用歲月老笠簷我亦志述作緬懷三代英流俗是
末師立心壞先型埽除詩書序區別義文經客或立異義黨
附紛譏評恨不漢晉儒驅納咸陽坑以茲經義廢勦說徒相
承於焉考史籍旁綜墓碑銘下及稗官說也復掇華菁百川
趨四瀆導之入滄溟百穀播三農獲之聚坻京先民可不死

身後留名稱書成五鳳子來集軒牕櫺運有並蒂實蘭有同
心莖按之瑞應圖僉謂斯祥禎況記洗兒初熱湯盆中盛有
文在其背曰壽似可徵云何凶短折我心滋不平兒兮洵聰
慧閭鄙誇寧馨九齡善學書楷法工撥鐙十五嫻詞賦下筆
人皆驚視不眩邪色聽不惑姦聲清心薄嗜慾生產絕勿營
性亦勤著書席研希留停請看所排韻力欲闢榛芳涼花帶
風露哀玉明瓏玲又如食俊味盡洗官庖腥比於回溪諷獵
史尤縱橫宋日鄉人錢調
纂回溪史韻憶當病少間黏紙連門屏儲書八萬
卷剔蠹捐乾螢陳言委時夫秀句羅元競良由深意苦甘使
定命傾先猶木支厦俄而綆脫併恒幹不久留所惜目未瞑
吾家太傅公清德踰冰凌王父守滇郡得歸賴贈行先祖知
楚雄府
事聞曾祖妣何太夫人訃奔喪囊
無貫錢巡按御史贈行乃得歸先人失舊業恥為塵垢櫻負郭

無遺田八口一豆羹雖嘗役婢僕五世罷笞榜人言積善家降
殃顧匪輕念此腸九迴孤憤氣填膺俗傳老婦祭不修禍所
嬰我貧無黃羊何以媚竈陘或者童男女讒口上告天他經切竈

神有銅童
驕孫六女

又聞道士言夜必守三彭我嬾動堅臥尸蟲釋拘

奴京切

魂筮掌巫陽鬼律著女青

寧期意所嚮務俾才者懲將無太山錄明神未式憑第假鬼
伯權好惡初無恒修短雖有定我心終怛怛叟也驗歷數消
息可立成試爲窮九厄因之推八紘山何戴斷鼇地何震死
鯨楓何以膠折栗何以芽萌莢何以落桐葉何以增律何
吹黍轉鐘何應霜鳴此何亡也忽彼何勃焉與鄰里皆多男
我何獨孤惇叟宜指我迷喚我夢魘醒答云萬品殊二氣互
陶蒸舒慘物不齊五曹算未能呼童開瓷菹飲叟酒一觥冬

春煮糲飯寒燭燒短檠卓午詎忍去徘徊曝書亭吳船閣三
板送之還宛陵我詩儻垂和兼語猶子庚

怪鷓行

曩時怪鷓吟嘯池上柳喪我南村詩人李十九五年不聞汝
惡聲東鄰西舍賀太平今秋胡然忽而至見之不異眼中刺
吾家阿鏐衾枕間歎息鷓來命將逝初猶遠林深處夜半鳴
旣乃橫飛不待日晦盲搖頭鼓翼坐屋角後咷先笑窺檐楹
始知是物本爲鬼伯使如俵導虎山蹊行訓狐賊人梟食母
汝與同輩尤陰獰喚人魂魄亦何苦況擇善者戕其生嗚呼
吾子今死矣欲不遷怒及汝非人情聞之周官建有庭氏翼
氏哲蒞氏射以救日之弓救月矢必覆其巢攻其翅先王有
害務盡除豈若今人昧茲理吾將斷竹續竹彈以丸毋俾惡

鳥來林端月辰二六星四七方書去汝夫何難

除日二首

感念亡兒苦難收淚兩行夢中猶定省歲杪益淒涼秃筆堪

成家遺書尚滿牀多情酒壚伴作賦比山陽上舍顧仲清咸三文學金介復俊民戴鏞

淑章李宣景濂俱有輓章

典祀先人臘蕭然魚菽存薦時煩寡婦拜後止童孫老分歡

娛少閒將甲子論知無頌花客未暝闔蓬門

上章執徐

送窮日作

吾家五窮鬼四世推不去今晨縛車船送往河隄住水萍風

中絮散作千百身勿使天壤間乃有石季倫

君平遺鏡歌為家上舍思贊賦

古銅一片漢所治冷光溶漾符月儀其背有文繚繞之由中

及外皆銘詩文或中斷字橫施讀之百過猶聒聒齧牙齟齬

摧髯而良久始獲通其辭乃是君平之所持惜乎未覩書年

支成都卜肆新雨時若榴花分槎上枝手挽織女機中絲以

之自鑿鸞鶴姿軸簾布卦營神著百錢拄杖足自怡酒家戶

戶招青旗從游弟子俟芭師暇日長定肩相隨識此奇字當

解頤千年土蝕苔髮髯繡成碧綠丹黃緇阿誰磨刮無纖疵

吾宗子仲性愛奇裹以重錦導長綏大笑俗尚蟠蛟螭開奩

一照冰雪肌木魅却走山精馳吾聞仙人鏡四規澁心定志

有所思方來之事罔弗知是物度亦神所司慎莫使近粉漿

腴華山精舍春日遲長廊急溜鳴堦墀落梅滿地藥甲滋主

人勸飲墨玉卮相與考古恣遨嬉古來金石各有宜其人已

往文在茲金尤易鑠質易虧昔賢嗜好情不移錢志小大印
官私家有款識宋傳貽七鐘九卣廿鼎彝鎗槃刀尺別等差
何哉鏡銘獨見遺嘯堂舊篆曾取斯挂一漏百人交嗤吾今
對此興不衰思搨繭紙研隄糜亟令巧匠爲裝池鏡兮鏡子
爾勿悲神物遇合信有期

春日南垞雜詩七首

入春風雨太連絲著屐扶筇越陌阡鄉里兒童莫嘲笑已過

七十杖朝年

七十杖于朝本祭義

睡起三商未覺遲春衣盡典謾嗟咨諸公袞袞黃河岸正值
桃花水上時

十年手種池南樹今歲纔分花白紅尚有舊游三叟在

謂繆泳鄭

明錢枋

不知更醉幾春風

舍外青鳩解喚晴籬根玉版漸抽萌無兒可遣修雞柵客至
生憎膈膊鳴

瓜頭水綠樹根流早有活東池上游只少故人攜酒榼醉來

新月送行舟

懷徐上舍

社公小雨不黏沙瞥見迎風燕子斜料是東家巢已定但來
花底啄芹芽

移種盆松六尺強欲當車蓋蔽斜陽不知黛色成陰日此地
何人結草堂

巡撫宋公以新雕蘇詩施注見貽賦謝

元祐罪人編年詩

東坡自寫背面像題曰元祐罪人

誰其注者施元之中丞訪

得嘉泰本上客爲補由儀辭梅谿舊箋付醬瓿傳穉遺楷傳

漕司

嘉泰本刻之淮東倉漕司吳興傅穉漢孺所書也

衰齡撥書反覆讀笑比黠鼠啣薑

時

飲顧孝廉

嗣立

秀野堂同周吉士

鼻賦

秀野堂深曲徑通巡檐始信畫圖工

王給事原祁寫

小山窠石屋高下

清露戎葵花白紅已許糟丘成酒伴不妨蠹簡借郵筒入秋

準踐登臚約吟遍江橋兩岸楓

偕陳同知

昂

畢上舍

大生

李孝廉

大中

從孫

玉戴

登澱

山寺謁秦女祠分得合字成三十韻

二百里澱湖夙與團泖合茲丘峙其隅磨眇等羸蛤想當在
中流川氣互蓊旬漁商恒惴恐波浪恣碣磕愛此一簣山表
以千花塔風帆走四面烏鵲遶三帟傳聞秦女神於焉沉錦
躡大姑鶴背騎仲姑蟾背踏季也鞭青蚪履用五絲韞力能
役鬼工地戶信揮闔忽恍靈旗翻飛雨響修颯物換改桑田

祠宇儼蘭閣月檐搖綵幡煙帳熏紫蠟至今千歲蛟不犯青
苔榻其西鑿井泉與湖暗呵欲綆竝都棄寘猶幸闌未塌循
徑入寺門虛廊屏踞雜土灰掩法王無復辨魚鵠一童啓荒
扉一老補敗衲既免禮數煩且喜芻簪盍巖幽足眺聽鳥下
乃潛虛言是龍子蟠黑雲時出納何年湧山根若頤略噬嗑
鴨脚樹兩株不知幾僧臘柯條神所護孰敢肆摧拉試驗縱
橫陰誰與量玉鈴南有修竹林冷翠壓簾竊疎籬野薔薇綠
刺見斜搭坐久山鳥鳴惜哉少酒榼何處星星鐘隔浦遠相
答

徐檢討

鈞

紙扇讀修上人詩愛其清逸上人時訪余

放鶴洲余留吳不值却寄以詩

少年上人足佳句清似玉壺一段冰絕倒垂虹舊亭長來尋

放鶴老詩朋迂辛短李許誰和癩可瘦權知不能何日扁舟
攜白麓聯吟竹屋夜燈

澱湖陳氏書齋觀吳仲圭為陶九成畫竹居圖冊

吾鄉梅花衲画竹如箭豪但留煙雨叢不必定娟好一叟南
村來林泉互幽討為寫徑尺圖籬落皆意造兩書至正年其
體近章草題句十一翁一一盡遺老我友澱湖濬竹居等鄰
保真蹟儲篋中啓示藉文縑孟夏風始薰新篁小亭抱髣髴
秋聲聞可以除熱惱

道人述松雪詩有歸聽秋聲之句故及之

題納涼圖

愛伴雲根坐還留羽扇揮休添一星燭便惹麥蛾飛

陳君緘寄普光王寺二碑索余游記復成三十韻兼

寄錢上舍

柏齡高處士不驚

我聞千佛名載在三車書惟茲普光王梵夾乃忽諸

佛說無量壽經唐

中示時僧伽建寺請名普照王寺中宗以照字是天后諱乃改為普光王寺親書其額賜焉茲寺蓋襲其名

流傳南渡日有僧

樓山岨危榜兆吉夢初地開精廬要知法王子信者意所如
偶然占高座即事傳方輿當其始經營入定走魑魅結成多
寶塔倒景浴修渠莊嚴水晶域瀟灑青豆居有若爛銀盤中
湧翠芙蕖過者停畫橈清辭琢雕珎

四明吳文英過此題滿江紅詞

陳迹歲三

百鼓簫歇巫胥花宮縱蕪沒臨眺興有餘波潮息廣澤禾麥

交平畚導水固有術泄之以尾閭忽念淮泗衝濁河苦填淤

誼誼禱壁馬折柳沉薪樗

至尊日焦勞羣公但躊躇千艘未得轉何以實倉儲芻蕘效
末喻西北水易疏沽有七十二可以通沮洳淀有九十九可
以興耒鉏俾之納稔稔亦得收蒲魚 天庾既以充河患不

待祛焉用萬斛舟牖口紛牽挈誰能急先務章莽徒歎歔良
辰且游衍藻景方舒徐悔不抽帆檣悉留心相於左拍高生
肩右攬錢叟祛誅茅此山麓耦耕晞溺沮

近來二首

近來文人愛標榜不慮旁觀嘲笑工但架廬陵屋下屋辦香
誰解就南豐

近來論詩專序爵不及歸田七品官直待書坊有陳起江湖
諸集庶齊刊

陸秀才競烈南田書屋圖

近郭一丘一壑到門有橋有船主人著書檐下不入城市經
年

送李司訓琇之括州

我聞括州洞天福地有其四近在縉雲麗水青田間廣文先
生此去主郡學芙蓉面面峰迴環毋嫌籤程遠毋憚行旅艱
揚帆七里瀨舍櫂雙溪灣我昔逢雨雪冰膠磴滑不易攀予
今乘清秋一日可以超重關惡溪亦不惡終年水潺湲隘口
亦不隘終日車班班青衿胄子載酒至往往剝啄鳴樞櫬龍
泉碧盃蛛絲斑香菇菜筍飯赤稬全家志在潔白養三簋之
祿足以怡慈顏況聞此地僻且閒有腰免使陶潛鬱熱官何
如冷官好宴坐但看門前山新詩相憶肯相寄老夫爲子方
便刪闕詞方便刪
元微之句也

東湖曲八首

弄珠樓外月輪明九派寒潮一夜生怪道漁榔爭入市白鰕
青鯽滿東城

十里湖光一葉舟五層塔火浴中流曉來寺寺霜鐘急驚起
啼鳥掠渡頭

吳娃蕩槳濕輕紈西浦菱歌聽未殘路入板橋舟去遠游人
尚擁赤闌干

博陸祠東畫舫開兩頭簫管勸交杯城門緩鎖銅魚鑰坐待
三更月出迴

黃雀披綿出葦苔花雞剖腹露紅椒不煩蘆瀝晶鹽糝米汁
船娘手自調

鱸鄉蟹舍說豐年秔稻當湖孰最先一雨新晴纔幾日家家
門外送租船

化城香刹裊幡竿五髻如來石作壇乍浦南風潮兩信新黃
柚子滿堆盤

夾岸芭籬鹿眼垂近船花草錦茵鋪湖邊漸少閒田地隄上
宜添賣酒壚

題趙方伯勸農圖

三農播百穀原隰各有宜匪特因地利又必循天時民生務
在勤豈可惰四肢耘耨一不力苗莠豆爲其炎暑尤可憐秧
馬苦躑躅晨蠃夕飛蟲一嗜頑肌及其登場圃手足盡皴
胝磨礮且簸揚然後供一炊云何不愛惜等之萑稗爲盈倉
飽雀鼠百斛飯僧尼國奢當示儉先務宜在茲我

后省耕斂蠲租起瘡痍作繪耕織圖賜予先保釐公復篋

質言勸農書也鏤版下有司遠邇七十城戶誦比書詩齊民諳要

術風俗公所移吾衰受一屨僻在長水湄披圖媿善頌對此

豁雙眉

南浦歸舟圖為李上舍宗渭作

已別東湖夜月將挈南浦歸舟好占日色風色直沂饒州信州

西湖

十三亭子景平分銀榜昭回天漢文破除水墨馬一角馬遠有水

墨西湖十景冊画不滿幅人稱為馬一角姚雲東詩宋家內院馬一角是也界畫金碧王孤雲裏湖外湖

煙樹接斷竹續竹山泉聞承 恩父老衣黃絹芸鼓鑿鑿報

夕曛

臨平道中是日立春

老矣孤蹤尚棲泊小除日近始來還且沽市中缸面酒臥看雪後簪頭山谿雨移時泥滑滑舟人上岸腰環環安平泉源一叢樹早有春鳥鳴其間

虎山橋夜泊

薛家車子十四白傳歌童一雙風定虎山橋水月明蠹殼船牕

曝書亭集卷第十九

曝書亭集卷第二十

古今詩十九

秀水 朱彝尊 錫鬯

重光大荒落

二月朔查山探梅集六浮閣分韻得覃字

查山一卷石太湖匯西南梅花幾百萬亂插如著簪我來微
雨後盡坼霜苞含橫披谷錦繡倒映天蔚藍高臨銅官井下
者萋蒲潭鹿眼編疎籬鹿胎糝空哈卑枝或壓帽瘦蒂恒飄
衫粉蝶羽翻飛白龍須鬢髮曩時李先輩丘壑性所耽過
之不能去思結小圓菴點筆寫爲圖買山付虛談清河有一
老於此開徑三詩壘黃篾樓生壙金粟龕偶占絕勝地戶戶
圍重嵐漁洋峙厥左層波激澗泐其右浮者六一一同眠蠶

所憾激浦隔未得窮幽探徒羨漁子艇揚帆捉羸蚶張郎敬
愛客託契來僑郊園蔬進香飯家釀發新柑螿鯿列瑣細橙
橘分酸甘主賓迭相勸力飲忘身酣是夕陰復晴淨洗雪曇
曇花光暝逾蒸四坐聞醜禪牽吟共鬪韻語笑吳越參酬和
繼沈范少長齊羅聃禮從野人野嗜比貪夫貪昂參橫醉後
各各猶研覃回憶平生游斯集樂且湛擬留信宿居懶上白
竹籃

初二夜月聯句

二月哉生明華亭高不騫查客曆象古無易長洲顧嗣協迂客云何期
未屆吳江徐鈞電發忽露一鈞白嘉定張大受日容纖纖玦兩頭尋尊遠
遠眉半額長洲顧紹敏嗣宗驟剖老蚌胎吳縣徐葆光亮直乍吐妖墓
魄秀水朱甫田襲遠拉折金臂環崑山徐昂發大臨屈曲玉牙尺長洲顧

嗣立俠君反痕浸湖波長洲張士俊顧三初輝澹林隙長洲鄭鉞季雅趁霞
射東菴長洲蔣深樹存逐景度西磧嘉定張士琦天中偃蹇桂樹枝垂
蹉跎仙人跡嗣協巾看越鳥將鈞喘笑吳牛亦大受於焉拓風簾
尋尊恰喜映瑶席紹敏玲瓏閣外梅葆光淨若曳霜帛甫田暗水
流其間昂發積素影活碧嗣立廣寒八萬戶士俊料愛惜花客鉞
預使千里光深冷沁凍蛟脊士琦亟催簫譜修不騫恣把餅泥
坼嗣協或舉深杯邀鈞或持紺法測大受維衡運疾遲尋尊猶
人命通厄紹敏先時天不違葆光翕者若焉闢甫田勝引樂自今
昂發庶徵考疇昔嗣立多耀由政平士俊寢和驗寒革鉞金樞落
不知深爛醉參橫夕士琦

雲溪草堂圖為徐進士永宣題二首

菱葉荷花蓼草磯鶴巢深樹客來稀主人且莫貪高臥合試

新涼柳汁衣

江城過雨不開雲，百里洮湖一曲分。比似玉河隄上望，柯亭劉井總輸君。

上已後三日顧孝廉之瑛招同諸公泛舟西湖即事

分韻得交字

獨擢花陰入重湖，柳色交斷橋亭蓋。瓦曲院水通坳，楚雀簧猶澀江蓮葉尚包。

宸游留翠墨，車馬隘春郊。

吳越武肅王祠觀表忠觀碑得潛字

一王三節返龍德，半飛潛尚有豐碑。在能摹活筆，鉞花開仍陌上廟古逼城尖。霸業餘陳迹，思繙舊史添。予注歐陽子五代史未就

八日汪上舍日祺招同諸公夜泛五首

青驄斜日盡迴鞭，錦瑟中流罷合絃。誰似汪郎苦留客，夜深猶放總宜船。

湘湖遺老毛叟奇齡舊清狂，白髮相逢筍蕨鄉。已分今宵共沉頓，不妨跋扈少年場。

西泠橋外柳娟娟，宿霧迷濛月一弦。陌上花鈿如可拾，安知老子定無緣。

蠟燈何處送歸艍，一道萍開燕尾香。寄語紅牕休度曲，隔船回顧有周郎。

湖心亭子靜無塵，更上層樓算酒巡。好趁三潭涼月色，白銀盤裏采香蓴。

十日周上舍崧招飲晨過昭慶僧舍，雨霽偕諸君登舟循孤山沿蘇公隄至定香橋尋杖策歷大小南屏。

觀磨崖家人卦舟回席上賦六十韻

山行有前期晨起風雨惡周郎衝泥過促赴開沽約車從酒
庫來航近寺門泊同調六七人畢來踐宿諾俄頃濕雲收周
遭靈巖夢統如津鼓動解我青絲紵隄綠水仙祠柁轉巢居
閣已枯宅邊梅何況墓上鶴徐集孫謁林和靖墓詩高風留塑鶴殘雨暗荒碑舍之度西
冷椒壁乍圻堊長廊面積水華構織新箔云何丹粉外團焦
用絢索得毋法堯階茅茨罷翦削循此溯上洄尋復步蘅薄
雙樹繚檐楹層樓敞櫺櫺倒影碧重巒殘英紅一夢抽梭白
魚跳拂鏡翠羽掠十亭此為最奇豈緣棧壑同游興未闌我
心亦有託思訪磨崖書剔蘚試摹拓篙師檣舟誤失道墮蕭
藿俄聞南屏鐘杖杖強趁趨到院風滿林松枯雜楊柞客過
僧不迎去疾走矍矍此輩廢耕畚安坐享齋饌何不勒歸農

驅使荷鋤鍾夕曛斷塔明仰見飛鳥霍起行十畝間柔桑已
沃若修修綠筠竿濕粉脫鮮籜曲木橫為橋中以石填廓苔
磴側未安賴有藤婁絡頽齡苦足繭十步九引却賈勇始一
登履險漸寬綽石經早淪亡餘者日銷鑠家人卦六爻何年
此鑿鑿曩偕鉏菜翁曹侍郎容相攜共盤礴彈指四十春重過感
今昨流傳迂叟題所喜未闕落威鳳臆騰鶩乖龍爪拏攫亟
宜響榻回悔失攜竹膜字仿婁機箋手學蔡邕摸坐久暝色
催出谷下危徇平湖水悠悠遠岫山漠漠喚渡無緩聲舉臍
有逸爵厨勅江庖烹盤飮海物錯紛綸算觥籌稠疊進羹臠
吾衰僅兩齒笑比牛軟嚼於禮去煩苛既醉忘嗚噓邇來數
近游今日樂上樂雖殊梓澤敘合繼蘭渚作於焉迭觴詠詩
排硬語各且當柅我車入市趁櫻酪主人洵好奇語客君且

莫茲游縱可娛所見但塗艮詎足契真情要必遠城郭須爲
裹飯交選勝窮寂寞兩峰躡晨梯九鎖開夜鑰行逢鹿銜花
臥聽禽擣藥暇看樵子棊雄對仙人博子言我獨哂其奈筋
力弱後游儻可陪閉戶養腰脚

顧十一孝廉

嗣立

載酒寓樓遂同夜泛三首

近郭新晴穀雨故人載酒僧樓商略今宵月色一艘小舫中
流

白鷺鷺拳一足綠楊柳散千條誰唱彎彎月子赤闌干第四
橋

蘇學士隄芳草水仙王廟寒泉正好當頭明月莫緣半醉回
船

偕諸君過靈隱寺雨宿松靄山房限韻二首

湖雲乍合山雨微平岡細路風吹衣過橋幾處甌塔湧到寺
一道巖泉飛斬新白花蕊照眼依舊青竹園開扉攀蘿捫葛
信公等我與僧彌暫息機

正喜餘霞射東谷何期簷溜滴階頻且貪是夕翦燈話判作
來朝著屐人慧遠酒邊能發興周顛肉罷詎生嗔貓頭之筍
一飽足況有青青鴨脚芹

松靄山房六詠

四松徑

松子落五粒松釵橫十尋我來凡幾宿夜夜警臯禽

山茶院

一十四春風一百五寒食自開雪中花至今好顏色

清籟居

一夜雨鳴樹不知雲幾重推牕看曉色對面北高峰

西澗

山僧斲茯苓洗此西澗水宛轉流樹根涓涓鳴不已

栗園

布葉密如櫟結實小於榛時有芻尼至翻飛不露身

竹筧

流泉半嶺來續以青竹管穿過白花籬忽注僧廚滿

吳氏山莊牡丹歌

牡丹三本異凡骨紫囊紅襖爭暄新山家種此有方法陳根
淨洗無纖塵徐量淺土壓深撥旋摘芹芽除苔茵要令植物
生意足不因得地長於人我來恰值穀雨後愛三百朵濃香
勻朱竿卓立張翠幔游蜂舞蝶皆逡巡日長狸奴慣癡坐有

時抱子來洗洗分明橫幅趙昌畫對此豁眼開心神廬陵譜
就種漸夥或自曹毫移吳闔天紅淺白僅盈尺安得有此一
丈身我思來朝未必風不起亟呼酒伴澆以甕頭春

三潭采蓴聯句

明湖一鏡平際曉光八八蘇尊三月抽香蓴纖纖裏柔茁馮念祖
吳儂戀鄉味少小能識察顧嗣立擬荷錢未圓比荇帶尤滑周敬
差遜雉尾長頗類蠶絲軋吳陳琰燕股天斜鳧葵莖澡刷周松
入掌溜蠃蜨逆毛掩鷓鴣馬翬贊當其采摘時得一走七八蘇尊
幾番誠漁童百過迴櫓窺念祖直手拮据更在眼明黠嗣立貯
之老瓦盆戢戢小魚頡頏亟須下鹽豉曾不費椒椒陳琰即此
足解醒饞叔恣交戛菘却笑張季鷹苦待秋風刮翬贊

兩宿大仁院

徑轉雙林下，牕分半壁隈。築牆防虎穴，登閣儼蓬臺。宿鳥翻
風去，驚雷觸石迴。明當凌絕頂，導我一僧來。

石屋

大仁院北巖窪中，若廬旅傾崖。滴石髓，白日掠仙鼠。鑿佛大
小軀，莓苔色黯沮。置身井谷中，窺天可倚杵。剔蘚辨留題，各
自命儔侶。試觀咸淳書，筆縱字尤巨。白鴈雖未來，邊烽已先
舉。奈何平章賈，志不在疆圉。貪領狎客游，子弟共容與。嫉惡
性所同，見者費熏煮。不覩眉山翁，拂石埽雞距。愛惜爭摩挲，
響搥硬黃楮。洞門石扇開，幽探少樺炬。慮拔千歲蛟，疑然不
敢語。山南殷其雷，驟雨沒沙渚。偶坐贛公房，夕陽滿平楚。

南山雜詠十七首

水樂洞

蒼山入夏寒，一泉自溫谷。其流浸蘭蕙，其音喻琴筑。砉然石
扇開，飛出白蝙蝠。

虎跑泉

山泉可用汲，酌以長頸匏。虎跡久已湮，深穴猶窅窳。松陰轉
三面，未肯回鞦韆。

煙霞寺

澀磴上招提，不知幾十級。入廚篔簹泉，枯過雨佛身。濕石乳滴
空，嵌髻髯龍象。泣

風篁嶺

斷崖橫一嶺，穉竹何娟娟。時有山禽拂新粉，墮我前。欲尋巖
下寺，揮我風中絃。

過溪亭

一亭四無鄰棟壞柱已折山僧慣迎賓不忍過溪別偶語莎
草間夕曛信明滅

楊梅塢

我行楊梅塢惜是孟夏初是時果未熟但見柯葉舒思包綠
荷飯五月來精廬

龍井

一泓淳山坳過者不敢唾雖然龍窟宅亦許鬪茶坐起暮囊
陽碑惜爲僧所澆

片雲石

峰頭石縹緲豈異一片雲有時風雨過獨立雲中君安得五
丁手移置長水濱

薩埵石

謁來給孤園玩此薩埵石石上生莓苔千年暈濃碧不見臥
虎人且鋪苾草席

納翠山房

溪迴凡幾折早已滌塵慮靜看三樹松深陰且箕踞客去鶴
飛來客來鶴飛去

九溪

尋遍十五寺九溪鳴淙淙下無一寸魚上有百尺松緣流思
濯足奈此菖蒲茸

十八澗

暮經南山南曲澗一十八山橋往而復山路坳兮圮夕曛漸
催人延首望香刹

玉鈞橋

句曲一道士愛住山之幽褰裳慮深涉賣彼白玉鈎築橋訪
詩侶茲事宜千秋

翁家山

茗茗翁家山松花滿深塢村民高下居少長齊捕虎但誇弓
弩強不識耕稼苦

桂隴

桂樹花不實何年種山椒良由山中人歲暮不自聊殷勤與
我期秋日來逍遙

理安寺

三家村裏人靜獨木橋邊路又竹響驚回鼯鼠泉香流出松
花

冬花厂

我愛僧房亂石堆短籬笆護妙香臺不貪夏果楊梅熟恣看
冬花盧橘開

馮孝廉

念祖

招飲北園分韻即送其同周

崧入吳

故人襍被下吳淞且復官泥圻酒封主客不知何者是登臨
未覺老夫慵池邊灌木陰千尺郭外晴山翠幾重有約谿亭
宜避暑迴船試共采芙蓉

酬洪昇

金臺酒坐擘紅箋雲散星離又十年海內詩家洪玉父禁中
樂府柳屯田梧桐夜雨詞淒絕意以明珠謗偶然白髮相逢
豈容易津頭且纜下河船

題春郊浴馬圖

兩頭纖纖驛角弓半白半黑浮雲驄酒壚未醉莫歸去最好

春郊楊柳風

題初白菴主小像

玉臺舊鏡已塵昏何處驚看雪鬢痕頗似琅山查長老新涼

可有副衣存

查龍圖寓居常州琅山寺躬事薪水給眾人稱為長老嘗與程宿留旅舍盜取其衣呼宿曰衣有副乎當奉假盜聞之棄去菴主近泊葑門外為盜所劫故及之

題丁明府秋江垂釣圖

秋原子蕭條秋雨兮漂搖西風悴子梧葉南山落子豆苗園
無棗子纂纂田有莠子驕驕之子子移家寄情子雲壑爰理
子釣綸蔽之以漁箔衣獨速子青蓑笠天斜子黃箬一艘子
雖小亦足子載書采風子媿雅暇得酒兮烹魚信斯圖兮可
樂惜榛蕪子西湖之居

寄樂平石明府

為崧

天開彭蠡豬南邦石墨峰連羊角雙近說循聲過朔郡明府舊宰
靈定知詩派壓西江畫簾茗莢香聞竈夜閣琴絲月滿牕望
眼側身非一度相思聊復采蘭芷

題李上舍騎牛圖

騎牛恣所適不在郭椒與丁櫟試看圖中人出郊穩踏芳草
春春風暖拂堤上柳柳外青旗定應有可惜偏提不在手南
鄰朱老儻見尋勸爾沙頭一壺酒

玄默敦牂

小宛堂

小宛堂階梅兩枝疎花點點映清池分明馬遠圖中見只少
楊家姝子詩

題洪上舍傳奇

十日黃梅雨未消，破牕殘燭影芭蕉。
還君曲譜難終讀，莫付尊前沈阿翹。

水帶子歌為喬孝廉崇烈賦

水帶子環外虛，其中九州以內制器不及此，得非來自日本。
東刮磨者匠髹者工，惟智創物變乃通，置之兩腋下，絡頸雙
青綬，中流踏浪如御風，過涉不愁滅頂凶。勝壺千金樽，五石
溺人一笑可以生我躬。喬生手攜是物訪我梅，會里自言來
自射陂水。黃梅時雨水稽天，甕社湖流人罷市。無朝無暮慮
覆舟，且喜今朝得到此。挂之駝鈞壁上懸，與論往事增淒然。
初聞淮南減水埧開設。

天子謂是一埧一口決，俄而僉謀滋異同。爾考直前奏事真，
剴切迄今黃流泛濫軫。

帝情鴈戶豈得安，其生桃花春水縱不發。河隄使者毋遽誇，
平成吁嗟乎河伯不仁，亦無害準備家家蓄水帶。

送張士琦令永新

春草烏斯道長洲，陸子餘由來循吏傳。頻見永新書送爾之，
官去牽絲製錦初。秋山日蒼翠，詩卷共清疎。

為宋巡撫榮題李營丘古柏圖

毘陵董啞子不畫山，畫水淮陰龔高士不畫人。畫鬼乃知負
絕藝，落筆恒自矜。獨立萬古意，恥與時爭能。試觀營丘畫中
柏，宛似青牛道士井邊植。一株足敵一百株，數尺看成數千
尺。樹根有泉亦有石，樹旁有草亦有棘。當時畫柏不畫松，檜
葉縱身更奇特。商丘副相寶之久，是日從容出娛客。滿堂觀
者齊動色，濃香亟就菜。几熏韋偃畢，宏畫不得此樹不知凡

幾年童童有若車蓋然吟高東北池西偏玉鴉又挂逾清妍
期我體物賦長篇往年文康公晚作

孝陵輔君臣相悅邁曩古和調文武致太平 賜予圖書出

內府郭熙范寬真蹟存猶載香厨舊時譜公今鑒賞多逾精
暗中以手摸絹可辨宋元明閒來論詩兼論畫過庭才子迭

品評三吳開府近一紀盡收江表詩人作弟子只如翼也亦

是詩中豪宋石泉明府載震惜我和歌今老矣

何孝廉嗽荔園

吳中才子過閩中扶荔園開曲曲通小榼都籃餐不盡惜無
人為擘輕紅

觀劇四首

四照亭開桂樹叢夜涼風細蠟燈紅人間亦有霓裳曲絕倒

吳趨老樂工

三徑秋花裛露新重攜酒伴過城闌只應夜夜西江月留照
筵前舊舞人

燭下清歌楊叛兒手中團扇謝芳姿勝他幅幅纏頭錦賺得

張郎拜月詞謂孝廉大受也

歷歷羊燈樹杪樓恣修簫譜散觥籌龍鍾莫怪尊前客弟子
梨園也白頭

題家廣文端鄧尉尋梅圖

村村梅底鬧壺餐莫笑先生苜蓿盤桃李漫山都不戀冷香
合讓冷官看

慧慶僧房雪中聯句三首

柏

寺門柏二株華亭高不驚棲客老榦等鐵石我來七月留尋尊蒼
翠陰日夕今晨落牕牖武進徐永宣學人忽訝冷光射漫天雲萬
里到地雪一尺不驚庶物齊癡肥尋尊此樹獨寒瘡疊葉刺鏤
青永宣交枝巧剔白盤坳挺鴉又不驚瑟縮偃蛟脊根封雪窖
銀尋尊身曳全匹帛夫豈本性然永宣偶為造化役空廊立
移時不驚目眩肌疼痠牀頭倒餘醞尋尊相對且酣適扁舟
泛未能永宣悵望遠行客不驚是日汪份張大受汪鈞
公車北上欲送未果

玉蘭

雪後玉蘭樹尋尊二本何勻停居然華林闢不驚卑鉢羅滿
庭雖無裂鼻香永宣照眼光瓏玲重重傳瑤粉尋尊寸寸排
銀釘有時風吹墮不驚素影逾娉婷交枝露綫雷永宣千苞
壓繩檯色殺辛夷紫尋尊體變珊瑚青因憶虎丘北不驚斜柯

倚巖高歲久嗚其腹永宣吐萼猶豐馨此時更奇絕尋尊乘興
思開艸惟愁凍塗滑不驚況復密霰零不如雙樹底永宣淡
坐憐怱惺尋尊

山茶

海紅亦嘉樹永宣恰與小牕對十月已試花不驚娟娟良可
愛孤根託招提尋尊冷豔免簪珮曉起雪漸深永宣我心始
焉痲既慮苞蘂摧不驚兼恐顏色退孰知歲寒姿尋尊凜冽
性所耐譬蒙縞素衣永宣嫣然逞餘態画師貪此景不驚往
往入圖繪或描江梅並尋尊或取水仙配分明黃趙筆永宣
只少鶉雀隊寫生貌遜真不驚比調朔繼晦芳菲正有時尋尊
改歲游可再永宣

聯句題王處士畫折枝紅豆圖

并序

東禪寺紅豆一本結爲連理枝高至三丈花時沈啓南文徵
仲唐子畏湯子重諸君恒修文酒之會後爲疾風所拔王處
士武以水墨渲染作圖妙奪天真適有餉束筍者并繪之樹
底圖今歸張孝廉挂之橋下小軒孝廉屬題興到聯句兼憶
亡友惠吉士周惕成十二韻康熙壬午涂月秀水朱彝尊錫
鬯識

吳赤烏年寺嘉定張大受日容相思子一叢葉參雙塔外華亭高不鶩

查客花豔八門東照影清溪水寺舊有彝尊題詩白石翁甌香茶

竈熟崑山徐昂發大臨徑轉麴車通結實收新雨大受調禽付短童
經行消晝日不鶩開謝幾春風惠子居相近彝尊王郎畫最
工偶然濡淡墨昂發率爾變輕紅破萼天桃似大受披圖束筍
同已無枯樹在不鶩長恨舊墟空賴有淋漓筆彝尊能移造

化功祇應懸素壁昂發吟賞小軒中大受

雜詩二十首

淮陰一登壇風雲色寥闊囊沙齊遂破立幟趙斯拔羽也縱
英雄氣盡豈得活大統歸赤帝鴻溝因罷割何哉雲夢游一
旦真王奪始焉將百萬目中無布越旣與噲等伍國士已羞
殺寧知論元功後乃及蟲達

焚香戶庭中逐臭者在外彼自海畔行於我尚無害所嗟蘭
蕙鉏盈要服蕭艾荀揚世所賤孔孟乃飢退無鹽入齊宮明
妃去漢塞物理固自殊時運寧有待愛者終莫憎憎者不復
愛

含沙難匿影貝錦無停機一爲讒言中聽者弗復疑我欲指
天陳畏見南有箕小雅七十四感彼青蠅詩

芳蘭生當門託根豈能久嘉禾徑寸苗拔萃讓良莠蛾眉一
入宮謠詠但言醜匪畏妒人工所憎二五耦

雕陵有飛鵲定巢上林枝不愁風雨漂寧慮贈繳施雄鳩特
佻巧側目從旁窺一朝逐鵲墮公然來居之搖頭鼓翼鳴喚
婦舖其兒身無鳳凰德飲啄鳳凰池非所據而據終爲百鳥
噴

紅亦不復花白亦不復花堂前雙梅樹但有枝杈柯春風吹
戶外好鳥鳴鄰家嗟我寂寞人故里同天涯

淮王升天日對帝稱寡人始焉帝心眷旣乃帝怒嗔謫歸小
山中桂樹枝輪囷居然盜帝書意欲垂千春河間禮最古楚
元詩亦醇區區服食方咄汝非其倫九師招不至且與雞犬
親

夷羿射十日其九落高穹如何此神術迺以授逢蒙支左與
訕右於技無不通一朝突反射人鮮克有終嗚呼在三義有
若日在中六經各有師不及斷椀工昔賢服心喪期與生我
同薄者無不薄奚事鳴鼓攻

秋蓬本在下吹噓送上天回風崇朝至過我門梁邊假令一
者來何妨暫周旋奈何舍我去轉向斜徑穿不如楊柳花相
近猶纏絲涼燠有定候冰炭毋乃偏

昔有池仲魚移居城門下城門設重關際夜上銀鎖旣無穿
窬患兼有擊柝邏自謂智慮周乃藏殺身禍烈燄已具揚撲
滅勢不果吁嗟骨用朽前事資驗左處世多危機衝波少安
枕桑海詎難乾杞天亦可墮宋鄭四國災咸秦三月火達人
殷遠憂朝市足恒裹逍遙十畝間爲樂無不可

華山有小鳥自名寒號蟲翻飛必自卑毛羽恒不豐物微免
弋獲幸得過凜冬一朝條風至自詡時命通洗頭玉女盆鼓
翼白羊峯謂鳳不如我聽者誰汝容鳳兮翔千仞覽輝下梧
桐一鳴音節節再鳴聲噤噤雖言德之衰物理豈終窮

千佛各有經翻譯滿禪闡山花木葉文繁重苦難括自從達
磨來一葦當津筏聰明主妙悟指授在呵喝不讀一字書猊
坐立可奪奈何君子儒語錄效緇褐讀古喻玩物斯言太拘
閱聖人述六藝反正亂可撥豈惟身獨善言動必迂闊張口
雲霧中昏瞠何由豁庶幾經濟才寇虐乃能遏

有酒斯鼓缶吹壎必和箎同調定見憐一心不相離古人重
久要隙末非所宜谷風思小怨大德反棄遺新交不如故君
子當三思請看蘇子卿豈絕李騫期

蘇秦六國印主父五鼎食積金已成穴多方猶采獲人壽無
百年子豈神仙籍蜉蝣語螻蛄我今日將夕春秋爾易邁不
藥良可惜

衡必錙銖爭錢必子母權佳李鑽及核曲防遏其泉不屑一
毛拔而況千金捐舉世皆楊朱方思墨翟賢

飛蟲揚其羽乃爲蛛網得白鹿游上林難免射工食君子慎
所趨毋以貪自賊不見冥冥鴻寧受弋者弋

佛法西域來道里實遼遠其徒祇比丘馬馱經數卷至晉始
有尼入梁俗莫挽此輩僧易狎爲態亦婉婉一入富家門內
言出於柵挾伴湖山游積金寺塔建精舍累百區有司豈能
限宣淫青豆房飽食香積飯因之壞風俗詎可偕息偃婦人
有婦功蠶織乃其本如何水田衣娑拖出祇苑跪拜學男兒

對客不自忖誰修鳳樓識絕此毋往返

先王設庠序專以明人倫校官爲人師必先順乎親入貲稱
博士母也情所欣雖有祿三簋莫具膳兼珍九品流未入自
詡爲王臣板輿道豈遠忍自柅其輪彼心誠泰然我見翻愴
辛

東京厚風俗士行本學校必先親其親使民知則倣於時重
喪紀期功相荅效至或自解官居憂立名教奈何今之人母
死不作孝舍爾苴經製有醜酒肉貌首丘死者狐首山死者
豹鮮民之不奔曷月掩泉窖誰哉生厲階仕路巧騰蹕

男兒一墮地弧矢射四方家有驥千里豈戀苗藿場威鳳鳴
啾啾千仞肆翱翔覽輝一以下百鳥生儀光圈牢有養物毛
鬣分柔剛留以施刀俎逸欲終見殃駛景洵易馳安樂不可

常奈何當盛年白晝處帷房

曝書亭集卷第二十

曝書亭集卷第二十一

秀水 朱彝尊 錫鬯

古今詩二十

昭陽協洽

盛秀才書齋觀文嘉水墨杏花新燕

宣和譜花鳥獨有燕子畫者少後來小屏山多寫白燕梨花
間大都畫粉不畫墨又或畫雙不畫隻吳中才子文休承藝
事三絕人共稱冰紋之繭恣留額新燕圖來剛一尺其餘盡
寫石田詩不許觀者旁題辭梅湖盛生雅好事少長羣賢並
邀致晴軒挂壁縱客看歎息滿堂聲不寘圖中烏衣甫出巢
杏林過雨含香苞拂羽試飛力尚怯風前未遽踏花梢自來
寫生手往往守窠白惟有石田真軼倫同時絕品數唐寅兩

君畫意不盡似嘉也此圖亦逼真吾衰應酬詩嬾作去聲只愛看畫題長句坐中妙繪六七公那不臨摹遺我茅堂中搖頭鼓翼尾涎涎令我日日長相見

春暮看花木瀆夜過上沙連雨不止信宿還慧慶僧

寺左足病甃自慰二十韻

春游抵木瀆對酒愛晚晴際夜泛上沙俄頃風雨生屋東西溝水瀾瀾階除鳴繩牀承漏瓦三徙仍敲傾淫潦晝不已疾雷暮砭訇有蚓蟠青泥有菌抽黃莖置身雲光中濕氣易滿盈老夫留信宿臥起足疾嬰其左頓成甃其右安得甃推牕覽朝霞散作魚尾頰言辭主人去淨域返水精兼旬罷看花累月不入城父母生我來日月斯邁征紅塵早插脚重繭萬里程雖經侍班聯曾不伺公卿既嬾著朝鞞兼恥邪徑行一

從罷官後誰復驅使令不妨日蹒跚堅坐無所營吾自著吾書吾自怡吾情不有習鑿齒足蹇春秋成

苦熱和梅都官韻

于垓鸛不鳴涉波豕潛逃不有膚寸雲焉得陰雨膏徒封蜥蜴獲未珣烏獸毛旣乏招涼珠詎有含風袍良苗日以槁莫抽分寸毫夏畦病莫治秋乃亡其曹老翁愁旅食疾首虛爬搔廣廈尚苦熱何況層樓高

夏日病足留慧慶寺張顧二孝廉孫范二上舍徐陳

范汪顧五文學載酒至席上譚藝率賦二首

一人半爾習鑿齒三樂具焉榮啓期老矣關心無俗事相於把酒判深卮風多盡卷枯棹水旱甚將枯蔗芋陂已辦衝泥油竹傘當筵頻起祝雲師

近聞

天子幸捺鉢 闕下諸司務暫休
吾意最憐雙樹好 諸公合近五湖游
形模楊陸詩 焉用服習曾王筆
自適五相一漁朝野別 不知何者果千秋

初秋宋五進士

聚業

載酒過張三孝廉

大受

潮生閣

送魏二孝廉

坤

之西江即席分賦得九言

今年六月不雨至七月小軒橋下恒苦水氣腥
昨宵高荷大芋聽枕畔歷頭檢點白露今朝零
武塘魏二舍我豫章去鴨背小艇蚤繫菰蒲汀
此時攬袂欲別不忍別卻喜南園酒載雙玉餅
匠門羣從同調三五客長歌短詠搖筆無留停
此時秋之爲氣感宋玉碧梧桐猶未落靡蕪青
潮生閣梯從一初枕上八牕盡拓四面風
泠泠灌嬰城中本吾舊游地中有古

井浪動連宮亭珠簾画棟亦有帝子閣
目極西山南浦無潛形人生快意豈必致
通顯文章一技可以垂千齡桓山石椁縱使九泉錮詎若閉關頌
酒生劉伶他時寫取水村圖第七容我拄杖剥啄叩門扃

橋下小軒對菊效陶

商風拂昧谷翳日浮雲移晚節菊有芳不隨蕭艾萎黃白愛並列朱紫或間之雖乏有皖實沃沃呈其姿
主人治席視弟子前擣辭抗論孔壁書兼詠伐檀詩吾亦扶杖至逍遙循階墀良久發清謳妙舞堂中施三爵客多又一觴我同持人生如噩夢境適且自怡今者若不樂將爲四座嗤

題喬孝廉

崇列

書離騷

伯時圖九歌和仲書九辨昔賢愛楚辭重之若笙典舍人工

楷書法在去肥輒三具六草間用意帶章篆年來日臨池真蹟滿中衍離騷思所寄一寫一百卷吾思屈子才妙語恣抽演美人與芳草發興義微顯靈修美始合改路忽他踐藝蘭磐石阿終憾託根淺一旦化為茅遂為蕘取翦冶容非不工其奈出辭寒揚蛾衆女前謠詠詎能免水流豈復回石爛不可轉斯人久沉湘心事爾能聞想當懷伯庸以茲費藤繭紙長三過讀令我亟稱善冷笑書洛神取義毋乃舛

題梅生庚詩藁

吾門著錄多梅生文載道昨朝寄來詩彌覺風格老清琴一高張翊鼓罷勿考羣雅百五篇足以豁懷抱

闕逢涪灘

齋中讀書十二首

周官掌三易以通天下志卦名或不齊旅占本一致豈有先後天孤離異方位斯言偽且堅足以亂神智演為方圓圖申以河洛義儀象卦已陳相錯六十四圖中迭相生十六三十二請問安樂翁正名名焉寄

太極非有象一元氣渾淪陰陽至精數義由道士伸列圖自下上三五理具陳陳子昂詩太極生天地三元更廢興至精亮斯在三五誰能徵義見道家洞真元妙經番番希

夷叟以此勒貞珉元公一丁倒遂為席上珍陳搏無極圖倒易即為周子太極圖後來費朱陸往復辭紛紛仲尼不可作誰與別偽真

書名達四方掌之周外史曷言乎書名毋乃小序是馬鄭注漆經大義已及此古文雖未見序先暢厥旨云何宋諸儒深文共排毀書序非孔子作其說始林之奇吾聞國史言序書自孔子哀哉秦火後未亡亦僅爾苟屬聖人言亦當存其似不見小戴文禮家

以取士何獨詩書序攻者後先起

九疇一五行洪範義先具伯鯨一汨陳維帝乃震怒啓賢能
繼禹天罰行有扈桑門易地風其說本舛互奈何洛下儒侮
聖不知懼用三革其二變一成百悟既與洪範殊寧免纛倫
數百世而可欺君子亦有惡

孔門善說詩子云商起予流傳大小毛授受大小序縱有齊
魯韓見之色斯阻夾漈一後生攻以烈火炬先儒誤聽信鑿
杲生齟齬微言忽中絕大義不復舉聞人左丘明著書秦相
呂其言雖近誣其事頗足取國僑賦褰裳晉爲退師旅木瓜
美齊桓情豈係男女詩教厚人倫誨淫何獨許可怪上蔡師
魯齋王氏爲
上蔡書院師
爲力亦太鉅
芟棄鄭衛篇
竄改雅頌所
衛諸篇又退
大夫衛武公詩
改入國風誰爲辨異同復遵箋傳語

男女一相悅情迫莫自持不聞桑中契先以定情詩國史明
得失輶軒別醇疵如何歷鄭衛專錄淫人辭雞鳴風雨夜奔
者亦可危執袪遵大路豈不畏人知丘中有麻麥兩雄共一
雌雙雙李樹下寧免相詬訾立言詎可訓說者宜再思無邪
尼父教用告童子師

詩亡王迹熄百國有春秋魯叟乃筆削寶書肆旁搜晉乘楚
禱杵鄭志亦見收斯爲天子事邦國合九州大書王正月恐
疑於孟陬胡氏逞私智謂以夏冠周豈其一布衣斧鉞威諸
侯美惡同其辭此言尤謬悠當其在講幄君臣意綢繆經義
月經進諷諫同轉輈是時十將存可復二帝讎奈何戒黷武
惟知安是偷得毋檜所薦知己士當酬流傳誤後學乖舛難
悉糾曷不廢其書述事準左丘

素王六經外論語其總龜紀者六十四義取春秋辭同門有不善一一具書之由求予亢察言失不可追揆諸朋友義情得徇其私寧形弟子短但以尊先師試觀孟子徒克丑亦若斯後儒不曉事吹毛務求疵倡論輟從祀平反者為誰不若鄉原人非刺無可施瞽宗祀此輩眾口庶不訾吾思屋上烏愛由丈人推云何七十子一肯罷其祠何年復舊典俎豆勅有司

漢士守一經其義或駁踳真儒起北海卓哉鄭司農博綜六藝旨叩之等木鐘於時內外學罔不羅心胸用以釋儀象明堂暨辟雍初非尚怪異專一譚魚龍緯書河圖最怪至於五帝名亦惟祀典從德業既日尊弟子爭扳逢黃巾拜車下後儒翻不容一朝輟粟主俎豆何由供嗟彼黎丘鬼謂王通也乃以祀瞽

宗

秦延君說書數文太支蔓堯典僅一篇為言且三萬博士賣駒驢亦費二紙券吾思古人辭終與躁人遠辭苟足以達其義自繾綣勿徇買菜求第抒心所願不見陸士衡才多反為患

詩篇雖小技其源本經史必也萬卷儲始足供驅使別材非關學嚴叟不曉事顧令空疎人著錄多弟子開口效楊陸唐音總不齒吾觀趙宋來諸家匪一體東都尊其源南渡逸其軌紛紛流派別往往近麗鄙羣公皆賢豪豈盡昧厥旨良由陳言眾蹈襲乃深恥云何今也愚惟踐形迹似譬諸芳蔗甘舍漿噉渣滓斯言勿用笑庶無乖義始

羣雅日凋謝後起靡有涯奇觚累百人各自名其家吾衰尚

有志道古閑波邪有明三百禩攬秀披春華青田與青丘二
美洵無瑕吾鄉數程員雙珠握靈蛇自從永宣來其辭正且
葩泊乎嘉靖季七子言何夸鈞金縱可揀莫披黃河沙一咻
衆楚和是後尤卑哇先公聞馱舌頓生亡國嗟
先太傅初聞表中
即鍾伯敬論詩歎
曰安得此亡國
之音慘然不憚
吾欲返正始助我者誰邪

雨中從銷夏灣汎舟泊石公山麓

縹緲峰頭雨飛來銷夏灣舟停給孤寺路轉石公山吹浪神
龜老迎人吠犬豕七檣帆百幅最樂是魚鱗

林屋洞二首

洞天傳第九林屋是吳根地戶真官守塗泥太古存雜花春
瑣細仙鼠晝飛翻二客思深入囊衣換犢禪
謂馮孝廉念祖
胡上舍期真

出谷衣爭曝盤坳炬已灰仙居無路到石扇幾時開題壁思

前事

洞口有古友
周寶題名
翼徐生惇復
息道院中

窮源誠後來不如神景觀松下且徘徊

時攜
沈生

太湖眾船竹枝詞十首

村外村連灘外灘舟居翻比陸居安平江魚艇瓜皮小誰信
眾船萬斛寬

具區萬頃匯三州點點青螺水上浮到得石尤風四面眾船
打鼓發中流

黃梅白雨太湖棧錦鬣銀刀牽滿罾盼取湖東販船至量魚
論斗不論秤

幾日湖心趁趁風朝霞初斂雨濛濛小姑腕露金跳脫帆脚
能收白浪中

灣頭茱萸紅十分湖中鷺鷥白一羣儂船縱入采菱隊不濕

青青荷葉裙

十歲癡兒兩髻梳
漁娃不放柁樓居
新年判費金三鎰
聘取村夫子說書

權郎野飯飽青菰
自唱吳歎入太湖
但得眾船爲贅壻
千金不羨陸家姑

東溟大編也嗟我
滅渡橋頭銜尾過
一樣風波湖海別
黃魚爭比白魚多

船頭腥氣漉魚籃
船尾女兒十二三
染就纖纖紅指爪
新霜愛擘洞庭柑

莫釐峰下鳳舟回
望見高帆六道開
傳語羽林郎莫射
漁翁元爲進鮮來

題楊賓浮瓠圖

柳條邊子不知幾
千里有懷二人子
游子戾止松花江
子不可方思浮以
五石之瓠子勝一
葦之杭之嗟世兮
嶮巖投吾足子安
施仰瞻兮屢屢憚
赤豹子文狸遐眺
子崇期車或殆子
馬隕遵陸匪安子
溯流匪危竹杖乍
釋兮羽扇斯麾我
覽四方子孰是周
才若濟巨川其得
也哉

題文處士點山水

去年金侃亡今年文點逝
誰修遺民傳念彼宰相
系舊游章君存早結僑
札契示我水墨蹤巖壑
最清麗髣髴黃鶴樵浮
嵐轉澄霽僧樓架木杪
想見舊所憩下有宛轉
橋得非寒山澁陶陶永
夕話歎息何由繼竺塢
瑟旣輟山陽壚已閉對
此神默傷寸心實悽戾
題詩卷還君藏之永勿
替君自挂君圖吾亦制
吾淚

同徐吉士昂發陸上舍稹沈秀才翼過普賢僧房

茶塢山根寺經營景定年尚存行在牒未改梵王筵竹覆空池冷松排老樹圓天平知不遠留酌白雲泉

謁韓蘄王墓

蘄王墓近古梧宮暨六夫人祔葬同尚有石牴眠宿草更無宰木動悲風朝端彈事憑汪藻身後碑文付趙雄輸與喪師張魏國史家具狀得徽公

明瑟園雜詠三首

黑雲墮地晚風號賴得山樓置屋牢不特高梧新乳落吹殘阜莢認瓜刀

石橋夜夜雨傾盆茶塢雲多不露根檢點牛宮與豚柵莫教新漲入蓬門

竹外秋葵黃淺淺池南夏木綠陰陰日斜愛客絃桐至翻恨山蟬處處吟

八月十五夜陸上舍稹招同張孝廉大受徐吉士昂

發顧孝廉嗣立徐上舍博復沈秀才翼翫月石湖席

上作

海湧東西寺笙歌鬧梵臺陸郎呼小艇且喜石湖來七十二橋月流光上酒杯浦禽鳴不去勸客莫先回

逢廬州守張純修四首

瓜州東廨徹離筵並坐空江赤馬船君去我歸京口牖春鷓

秋蟀十三年

潭柘山游舊侶稀每逢鄰笛一沾衣懷君千騎廬江郡日對

東南孔雀飛

伍胥門外泊齋舫話舊纏絲客共聽幾度相逢秋水曲黃花
籬落白蓮涇

四百南朝寺錯連借君一榻坐蕭然龕中彌勒應微笑太守
輸他布袋錢

同曹叟話舊三首

斜街深樹早涼生樹底娑拖伴我行猶記書堂酒醒後月中
吹笛到天明

長定花時鬪酒籌周郎三爵足風流縱然紅藕紅蕖在

二人皆周郎中

侍兒叟授曲女弟子也誰復孀居燕子樓

戟府沙隄路渺茫十年蹤跡寄滄浪白頭再過僧廬坐共話
中山獵後狼

旃蒙作靈

詠白杜鵑花應

東宮教

銀榜璇題一道通仙花移植冠芳叢色殊李白宣城見狀比
嵇含嶺外工照水影齊紅躑躅卷簾香動玉玲瓏梯航萬里
來何幸采入瑤山

睿藻中

方乾木蓮花圖歌爲鐵夫上人作

少日誦九歌芙蓉寒木未得非三閭大夫本寓言豈有江花
樹頭掇壯年草木多識之乃知黃心之樹產自西北陲毋丘
道士曾作画醉吟先生亦有詩傳聞雖久虛增羨膩粉輕紅
幾人見黃山山後鐵頭陀示我生綃圖一卷葉如青桂身青
楊花開朶朶青蓮香天都方乾染初就拒霜不數滕昌祐我

思此圖更百年定有好事爭流傳老夫爲題詩一篇卷還頭
陀須愛惜慎勿輕污飛蠅點墨瓜牛涎

題黃山鐵公小像

鐵公黃海至曾占最高峰山後一茅屋階前萬壑松禪心離
怖畏詩卷閱春冬不信巖居樂君看冰雪容

戲題汪上舍

拓盜小像二首

世無乞食僧天女隨其後莫是摩登伽巧把阿難咒
歡喜阿羅漢精藍舍衛城山僧少拘束恣意蹋花行

焦山別銘圖爲王副使煇作

華陽真逸昔瘞鶴井穴乃在焦山根銘文不省誰氏作紀年
第有干支存審視要非唐後勒昔年曾與張弘論茲山不與
浮玉伍其地僻左稀攀援旋渦轉湍奔溜急沐日浴月驚濤

翻峰坳集海舶浪蕩藏江豚銘辭汨沒露日少誰扶地戶開
天門丈人守靈威眞官降趙尊若非神人護遺蹟安可捫蘆
臺王君信好事躬自荷鍤操犢禪剗苔剔蘚竟深入先以前
趾次尻臀手摸其文無闕失一紙價已當瑤琨西江道士爲
傳寫衣袂尚帶寒潮痕惜哉轅馬且北去山游未遂栝與溫
何年金石共搜討疑義相析窮其源

題宋中丞迎

鑿集二首

魚水君臣古不如玉音問答宋胡忠簡公撰駐乘輿近來官閣無留

牘更勅香廚校祕書

西陂水比石湖清雲漢天章照夜明且莫平泉疏草木試看
馬乳後園生

七夕詞六首

箕南斗北火西流萬里明河一夕收難得纖纖兩頭月夜涼
猶挂曝衣樓

照面微虧半月輪經年別緒暫相親奔龍控鶴緣何事天路
翻多襜褕人

中庭兒女上駝鈎夏果秋瓜列案頭若使天孫有餘巧只應
先乞自癡牛

清淺河流次第看橋成猶費立津盤來朝試彈林梢鵲驗取
修翎乾未乾

舊事虛傳摩喉羅家家秋思問誰多兒童免戴青荷葉借我
連筒卷白波

馬乳蒲萄哈密瓜吳儂一倍鬪繁華街頭不復簪楸葉但買
山塘茉莉花

曹通政寓自真州寄雪花餅

舊穀芽揉木重羅麪屑塵粉量雲母細糝和雪餠勻一笑開
盤榻何愁冰齒齟轉思方法秘夜冷說吳均

題朱顯祖梅花手卷

空裏疎花淡更香珊瑚水底尺難量只應翠羽三更月臥看
橫枝如許長

贈卓處士爾堪

忠貞公後族蟬聯一代遺民藉爾傳辛苦遼陽存過所其先世入

關過所尚存 篝燈重話革除年

初冬北郭讌集分賦

詩朋期不違勝引情乍愜潦看楚澤收簷與蜀岡接爨爨斂
餘花燮燮下涼葉短景猶戀人深杯轉稠疊

飲方觀園亭即送其入都

隋苑頻移柳吳歌罷采菱平山窺戶入遠水出郊澄券尾驢
三紙霜羣鴈一繩金臺行在望樂劇許同登

時義興儲子
執禮同行

玉帶生歌

并序

玉帶生文信國所遺硯也予見之吳下既摹其銘而裝池之
且爲之歌曰

玉帶生吾語汝汝產自端州汝來自橫浦幸免事降表僉名
謝道清亦不識大都承旨趙孟頫能令信公喜辟汝置幕府
當年文墨賓代汝一一數參軍誰謝皋羽寮佐誰鄧中甫弟
子誰王炎午獨汝形軀短小風貌樸古步不能趨口不能語
既無鸚之鶴之活眼睛兼少犀紋彪紋好眉嫵賴有忠信存
波濤孰敢侮是時丞相氣尚豪可憐一舟之外無尺土共汝

草檄飛書意良苦四十四字銘厥背愛汝心堅剛不吐自從
轉戰屢喪師天之所壞不可支驚心柴市日慷慨且誦臨終
詩疾風蓬勃揚沙時傳有十義士表以石塔藏公尸生也亡
命何所之或云西臺上晞髮一叟涕漣漉手擊竹如意生時
亦相隨冬青成陰陵骨朽百年蹤跡人莫知會稽張思廉逢
生賦長句抱遺老人閣筆看七客寮中敢吠怒吾今遇汝滄
浪亭漆匣初開紫衣露海桑陵谷又經三百秋以手摩抄尚
如故洗汝池上之寒泉漂汝林端之霏霧俾汝長留天地間
墨花恣灑鵝毛素

柔兆閻茂

春日讀春秋左氏傳心非胡氏夏時冠周正之說偶
憶草廬吳氏讀尚書絕句

原詩前漢今文古後晉古文
今若論伏勝功遺像當鑄金

因用

其韻

魯史王正月羣疑積至今丘明一周字直可抵千金

題徐檢討鈞豐草亭六首

青竹槍籬白竹門西濛不異舊時村暮年庾信文章老只合

江關賦小園

蓄意誅茅縛作亭中央四角總虛櫺客來不用愁鰕菜漁弟

漁兄滿洞庭

一簣平山一曲池貓頭生筍菟抽絲新來長得金光草試問

主人知不知

春泥就燥雨初晴百草千花一夜生為報亭中宜對酒不成

送客反留行

暇日娑拖一杖支養生方法講多時不應尚戀閒釵釧棗木

流傳本事詩

檢討方鏤板行續本事詩

登盤黃雀箭頭魚誰道天隨子不如近日欲傳糖蟹法更來

笠澤借叢書

東禪寺林酒仙祠

仙長洲林氏子幼失水至嘉興為比丘祥符五年卒于寺僧居簡北礪集為作銘龔明之中吳紀

聞述其事仙遺詩有門前綠樹無啼鳥之句

獨破珠林戒惟貪米汁甘醉鄉仍此地古佛與同龕北礪遺

銘在中吳舊事諳門前留綠樹過客每停驂

憶高徵士不寫三首

苦憶蕁鄉一釣師捉將官裏去多時匠門自閉潮生閣宋寔

張為主客詩

潮生閣在張孝廉大受園中徵士至吳長泊橋下主客時酬唱

西華東望禁垣重鞞底霜花曉更濃料得簪毫趨及殿驚

心怕後丑時鐘

薊丘風雪最天斜何處停車問酒家此日聯吟遺一老僧房
獨對海紅花

謁泰伯廟四十韻

沮漆尋源合江蠻相土弘古公遺哲嗣內傳有明徵肇迹貽
謀遠先幾脫屣能帝心惟季度祖武得昌繩句曲誅茅始衡
山采藥曾屈伸等龍蠖游息喻鷓鴣三讓聲何忝羣黎愛莫
懲稻田占樂歲泰伯園田城內瓜瓞啓新滕冽井深堪汲高墉近可乘
謳歌頓洋溢獄訟省侵陵化被仁風厚經傳至德稱宋徐僑請更論語名
魯玉輿初弗顧黃屋詎難勝陸雲碑獄訟載歸謳歌屢請能舍玉輿之責永襲皮冠之迹自鎬宗
盟重維南庶績凝命圭還作伯端委豈無笏節孰千秋並名
將萬代矜符子太伯將讓國語其傳曰王欲吾嗣一國之事吾其羞之吾聞至人不貴一代而萬世以之貴世家倫序定人
表上中應漢書古今人表泰伯仲雍均居第二等地紀吳甄胄見陸廣微吳地記祠沿漢永興

到門帆葉卸陸龜蒙詩讓王門外開帆葉倚郭殿檐層行潦蘋長薦平墟墓

未崩友于同一廟皮日休詩一廟身判股肱獨存冠黼呼不散髮鬚鬢棲止必雙憑熟食均籩豆文

人遜位翻追王浮家乃誕登典儀咸秩久齋宿有司恒芭舞史記索隱引世本文雍是熟食故字孰哉攷文身被髮止雍一

經春演靈旗練日升官橋行坦坦近廟有至德橋社鼓奏鑿鑿登朝業

諸孫歇豐碑異代增斗牛含氣象烏兔信環緼議禮邦人懈

彌文俗吏憎漸疎胞與翟下遣簿兼丞畫繪添奇鬼潘凱記祠兩廡下土

妖木魁詭形罔象編妖木魁詭形罔象編牲醪減舊秤但令巫史祝罕覩蕙肴蒸斷礎

方花溼空廊蔓草芳青蟲晴挂樹蒼鼠暗窺燈灑者

鳴鑾至恭惟嘉惠承為章倬雲漢題扁照柝稜過客爭趨謁

其誰免戰兢杏梁浮震澤粟主配延陵墜典勤分掌同時范文正程明道

宗忠簡諸祠降御書扁額恩言盡服膺法施民矢報終古潔銅甃

宗忠簡諸祠降御書扁額

山塘紀事二首

寒食山塘路游人隊隊偕桁楊充臯隸簫鼓導神牌紅粉齊
當牖銀花有墮釵殷勤短主簿端笏立阼類篇叢階神至虎丘道

士以王珣地主袍笏立阼階延至厲壇

神來官道擁祝祭厲壇仍活脫青袍引縱橫繡幟乘巫風書
具訓奢侈禮宜懲手版紛紛集吾憐張季鷹吳俗土穀神城內外各十多以手版迎城

隍張翰祠封門外亦與焉

夏日雜興二首

五月新苗綠上衣農人占雨候荆扉黑雲合處斜光露無賴
蜻蜓千百飛

桐陰細細白花攢吾愛吾廬暑亦寒縱少圍棊消永日也應
騎馬勝麗官

題裴黃顧生勤卷二首

梅邊亭子竹邊風添種梁園一捻紅不獨裝池稱絕藝畫圖
兼似虎頭工

過眼雲煙記未曾香厨爭藉理籤牋殘山剩水成完幅想像
張龍樹不能

得三十五弟彝爵杭州書

司訓吾家弟封書忽見招紅荷花十里開到定香橋

寄訊龔御史朝麟

江橋卜築意麗安聞道田居十畝寬不使車塵喧戶外儘容
山色到簷端燈前綠酒雙魚洗雪後紅衣一釣竿料得

時巡春有信種花應許上樓看近年每逢車駕巡幸一至杭州

送高佑鉅之江寧二首

塵衫破帽獨支筇重向金陵寄客蹤試上風香層閣望至今
猶剩幾株松

青衿文字國門編暇話姚翁結客年翁字北若念祖友壻快意黃金隨手

盡秦淮一道擁燈船

汪侍郎霽攜仲子日祺夜過二首

解纜童兒塔侍郎從海寧至抽帆長水村劇談無夜禁密坐覺冬温雀

鮓披縣重魚頭漉酒渾回思燕市飲凋謝幾人存

十載疎芳訊崇朝去考堂楚歌休憤恨吳語自清狂舊雨西

牕在空林朔吹長阿戎飛動意離席倒詩囊

曝書亭集卷第二十一

第 35658 号	
平成 3.11.22	
聖和學	928
園短大	11
圖書館	6

塵衫破帽獨支筇
重向金陵寄客蹤
試上風香冒月
...

案	號
平	3.11.55
雙	
組	
圖	

趙

